



Broj: 01-05-2802-1/17
Sarajevo: 23.05.2017. godine

Općina / Hercegovina - Federacija Bosne i Hercegovine
Općina Sarajevo - GRAD SARAJEVO
GRADSKO VIJEĆE

Broj prij. / Broj odl. / Broj odl. / Broj odl.	23-05-2017		
01-05-915/17			

GRADSKO VIJEĆE GRADA SARAJEVA

N/r Igor dr. Gavrić, predsjedavajući

Predmet: Prijedlog da se Odluka o dopuni Odluke o izvršavanju Budžeta Grada Sarajeva za 2017. godinu donese po hitnom postupku

Uvaženi dr. Gavrić,

u prilogu dopisa, dostavljamo Vam Prijedlog Odluke o dopuni Odluke o izvršavanju Budžeta Grada Sarajeva za 2017. godinu sa Zaključkom broj: 01-05-2802/17 od 23.05.2017. godine da se Odluka, u skladu sa članom 127. Poslovnika Gradskog vijeća Grada Sarajeva, donese po hitnom postupku.

Molimo Vas da Prijedlog navedene odluke, stavite na dnevni red 4. sjednice sjednice Gradskog vijeća Grada Sarajeva.

Obrazloženje:

Prijedlog Odluke o dopuni Odluke o izvršavanju Budžeta Grada Sarajeva za 2017. godinu potrebno je staviti na dnevni red 4. sjednice Gradskog vijeća Grada Sarajeva, a koja će se održati 31.05.2017. godine i, u skladu sa članom 127. Poslovnika Gradskog vijeća Grada Sarajeva, donijeti po hitnom postupku, obzirom da organizacija Festivala i rad Društva ne mogu čekati izmjene Budžeta i Odluke o izvršavanju Budžeta, te je potrebno hitno pristupiti dopuni postojeće Odluke o izvršavanju Budžeta Grada Sarajeva za 2017. godinu i na taj način omogućiti prenos sredstva društvu EYOF 2019. d.o.o., kako za poslove nabavke, tako i za finansiranje ostalih aktivnosti i nužnog tekućeg poslovanja.



Gradonačelnik

Mr Abdulah Skaka

Dostaviti:

- Naslovu
- Evidencija
- A/a





Broj: 01-05-2802 /17
Sarajevo, 23.05.2017. godine

Na osnovu člana 39. Statuta Grada Sarajeva („Službene novine Kantona Sarajevo”, broj 34/08 – prečišćeni tekst) Gradonačelnik Grada Sarajeva donosi:

ZAKLJUČAK

1. Utvrđuje se Prijedlog Odluke o dopuni Odluke o izvršavanju Budžeta Grada Sarajeva za 2017. godinu.
2. Predlaže se Gradskom vijeću Grada Sarajeva da u skladu sa članom 127. Poslovnika Gradskog vijeća Grada Sarajeva, donese Odluku iz tačke 1. zaključka, po hitnom postupku, obzirom da organizacija Festivala i rad Društva ne mogu čekati izmjene Budžeta i Odluke o izvršavanju Budžeta, te je potrebno hitno pristupiti dopuni postojeće Odluke o izvršavanju Budžeta Grada Sarajeva za 2017. godinu i na taj način omogućiti prenos sredstva društvu EYOF 2019. d.o.o., kako za poslove nabavke, tako i za finansiranje ostalih aktivnosti i nužnog tekućeg poslovanja.

GRADONAČELNIK

Mr Abdulah Skaka



BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

ODLUKA
o dopuni Odluke o izvršavanju Budžeta Grada Sarajeva
za 2017. godinu
(prijedlog)

Predlagač: Gradonačelnik

Obrađivač: Gradska služba finansija

Sarajevo, maj 2017. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

Na osnovu člana 7. stav 1. i 2., a u vezi sa članom 28. Zakona o budžetima u Federaciji BiH („Službene novine Federacije BiH“, br: 102/13, 9/14, 13/14, 8/15 i 91/15) i člana 26. stav 1. tačka 2. i tačka 6. Statuta Grada Sarajeva („Službene novine Kantona Sarajevo“, broj 34/08), Gradsko vijeće Grada Sarajeva na ___ sjednici održanoj __. __. 2017. godine, donosi

(prijedlog)

ODLUKU

o dopuni Odluke o izvršavanju Budžeta Grada Sarajeva za 2017. godinu

Član 1.

U Odluci o izvršavanju Budžeta Grada Sarajeva za 2017. godinu („Službene novine Kantona Sarajevo“, broj 3/17), u dijelu III IZVRŠAVANJE BUDŽETA, član 21. (Realizacija sredstava namijenjenih za kapitalne grantove), dopunjuje se tako da se na kraju teksta člana briše tačka, stavlja zarez i dodaje tekst, koji glasi: „kao i pojedinačnim ugovorima o sufinansiranju aktivnosti i tekućeg poslovanja privrednog društva EYOF 2019. d.o.o. u poslovima organizacije Europskog omladinskog festivala 2019.(EYOF 2019.)“.

Član 2.

Ova odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Igor dr. Gavrić

Broj:
Sarajevo,

PRAVNI OSNOV

Pravni osnov za donošenje ove odluke sadržan je u članu 7. stav 1. i 2. Zakona o budžetima u Federaciji Bosne i Hercegovine, koji propisuje da, između ostalog, gradska vijeća, pored budžeta, donose i odluke o izvršavanju budžeta, kojom se uređuje struktura prihoda i primitaka, te rashodi i izdaci budžeta i njegovo izvršavanje, prioriteta plaćanja, obim zaduživanja i izdavanje garancija, upravljanje dugom, prava i obaveze korisnika budžetskih sredstava, ovlaštenja izvršne vlasti u izvršavanju budžeta za tekuću godinu, kazne za neispunjenje obaveza, te druga pitanja vezana uz izvršavanje budžeta, kao i članu 28. citiranog zakona, kojim se određuje shodna primjena Zakona, tačnije odredbi članova 3. do 27. Zakona i na gradove.

Pravni osnov je sadržan i u članu 26. stav 1. tačka 2. i 6. Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje i, između ostalog, donosi Budžet. Isto tako, a obzirom da postojeći gradski propis, u dijelu koji se mijenja, treba prilagoditi stvarnim potrebama pristupilo se dopuni propisa uz primjenu osnovnog nomotehničkog principa da se dopune vrše u odnosu na osnovni tekst propisa i to propisom iste važnosti i u istom postupku kao i propis koji se mijenja.

RAZLOZI ZA DONOŠENJE

Grad Sarajevo, zajedno sa Gradom Istočno Sarajevo je domaćin Europskog olimpijskog festivala za mlade 2019. godine (EYOF 2019.). U cilju blagovremene i kvalitetne organizacije Festivala gradovi domaćini su poduzeli niz aktivnosti, a između ostalog, osnovali su i privredno društvo EYOF 2019. d.o.o., u svojstvu suosnivača, kojem su povjerali obavljanje svih stručnih i tehničkih poslova organizacionog karaktera.

Grad Sarajevo je dio budžetskih sredstva u Budžetu za 2017. godinu planirao, između ostalog, i za sufinansiranje organizacije Festivala. Navedena budžetska sredstva Grada, kao i namjenska sredstva, koja se sa viših nivoa vlasti (Ministarstvo civilnih poslova Bosne i Hercegovine) izdvajaju za finansiranje EYOF-a 2019. nalaze se na ekonomskom kodu 615100 Budžeta Grada Sarajeva za 2017. godinu.

U Odluci o izvršavanju Budžeta Grada Sarajeva za 2017. godinu, koja se ovom odlukom dopunjuje u članu 21. propisano je da se sredstva utvrđena u Budžetu sa ekonomskog koda 615100 – kapitalni grantovi drugim nivoima realizuju u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14).

Obzirom da privredno društvo „EYOF 2019. d.o.o.“ nema dostatna vlastita finansijska sredstva za finansiranje tekućeg poslovanja i ostalih potrebnih aktivnosti u ovoj fazi, potrebno je da Grad Društvu obezbijedi određeni iznos sredstva za te namjene, a čiji će se prenos vršiti putem odgovarajućeg ugovora iz kojeg će biti vidljiva svrha prenosa sredstva i iznos sredstava.

U svakom slučaju prilikom prenosa sredstva EYOF d.o.o., po osnovu ove izmjene, neće se prenositi namjenska sredstva Ministarstva civilnih poslova Bosne i Hercegovine, koja se sa navedene pozicije mogu realizovati samo u skladu sa uslovima Sporazuma sa Ministarstvom civilnih poslova BiH, već samo sredstva Grada.

Kako organizacija Festivala i rad Društva ne mogu čekati izmjene Budžeta i Odluke o izvršavanju Budžeta bilo je potrebno hitno pristupiti dopuni postojeće Odluke o izvršavanju Budžeta i na taj način omogućiti prenos sredstva društvu EYOF 2019. d.o.o., kako za poslove nabavke tako i za finansiranje ostalih aktivnosti i nužnog tekućeg poslovanja.

U svakom slučaju vodit će se računa da se namjenska sredstva Ministarstva civilnih poslova Bosne i Hercegovine sa navedene pozicije mogu realizovati samo u skladu sa uslovima Sporazuma sa Ministarstvom civilnih poslova BiH. Obzirom na nužnost operativnosti navedenih sredstava, u članu 2. ove odluke propisuje se da proizvodi pravna dejstva danom donošenja, a u svakom slučaju će biti objavljena i u „Službenim novinama Kantona Sarajevo“.

SREDSTVA ZA REALIZACIJU ODLUKE

Sredstva za realizaciju ove odluke obezbjeđena su u Budžetu Grada Sarajeva za 2017. godinu.

Član 3.

U tekuću rezervu izdvojiće se sredstva u iznosu od 91.000,00 KM budžetskih sredstava za 2017. godinu.

Sredstva će se koristiti za potrebe koje se nisu mogle predvidjeti ili su se predvidjele nedovoljnim iznosom sredstava.

Ovaj Budžet stupa na snagu narednog dana od dana objavljivanja u "Službenim novinama Kantona Sarajevo", a važi za 2017. godinu.

Broj 01-02-2082/16
28. decembra 2016. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 7. stav 2. i člana 28. Zakona o budžetima u Federaciji BiH ("Službene novine Federacije BiH", br. 102/13, 9/14, 13/14, 8/15 i 91/15) i člana 26. stav 1. tačka 2. i tačka 6. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na 45. sjednici održanoj 28.12.2016. godine, donijelo je

ODLUKU

O IZVRŠAVANJU BUDŽETA GRADA SARAJEVA ZA
2017. GODINU

I. OPĆE ODREDBE

Član 1.
(Predmet)

- (1) Ovom odlukom uređuje se struktura Budžeta Grada Sarajeva za 2017. godinu (u daljem tekstu: Budžet), upravljanje prihodima i primicima, te rashodima i izdacima budžeta i njihovo izvršavanje, prioriteta plaćanja, finansijsko izvještavanje i obaveze korisnika budžetskih sredstava (u daljem tekstu: budžetskih korisnika), ovlaštenja Gradskog vijeća i Gradonačelnika u izvršavanju Budžeta, kazne za neispunjenje obaveza, te druga pitanja vezana uz izvršavanje Budžeta.

II. STRUKTURA BUDŽETA

Član 2.
(Struktura Budžeta)

- (1) Budžet se sastoji od općeg i posebnog dijela i kapitalnog budžeta.
- (2) Opći dio Budžeta sastoji se od računa prihoda i rashoda i izdataka. Posebni dio Budžeta sastoji se od plana rashoda i izdataka budžetskih korisnika za tekuću budžetsku godinu raspoređenih po vrstama u tekuće i kapitalne izdatke.
- (3) U računu prihoda i rashoda iskazuju se: porezni i neporezni prihodi i drugi primici, te rashodi i izdaci utvrđeni za finansiranje potreba Grada Sarajeva na osnovu zakonskih i drugih propisa. Prihodi i primici priznaju se u periodu kada su mjerljivi i raspoloživi, odnosno kada su uplaćeni na JR Grada. Rashodi i izdaci priznaju se u periodu kada je obaveza nastala.
- (4) Suficit ostvaren u prošlom periodu rasporedit će se na povećanje likvidnosti Budžeta tekuće godine.
- (5) Deficit ostvaren u prošlom periodu podmirivat će se iz viška prihoda tekuće godine.

III. IZVRŠAVANJE BUDŽETA

Član 3.
(Odgovornost budžetskih korisnika)

- (1) Budžetski korisnik odgovoran je za potpunu i blagovremenu naplatu svih prihoda i primitaka iz svoje nadležnosti, za njihovu uplatu u Budžet i za izvršavanje svih rashoda i izdataka u skladu sa namjenama.
- (2) Budžetski korisnik provodi sve zakonom propisane radnje radi naplate potraživanja na osnovu ugovora ili bilo kojeg drugog potraživanja na osnovu javnih prihoda
- (3) Za nenaplativa potraživanja, Gradsko vijeće, na obrazložen prijedlog Gradonačelnika, može donijeti odluku o otpisu potraživanja

- (4) Budžetski korisnik odgovoran je za zakonito, namjensko, efikasno i ekonomično raspolaganje budžetskim sredstvima.
- (5) Budžetski korisnik odobrena sredstva može koristiti samo za namjene koje su određene Budžetom, a u skladu sa svojim godišnjim finansijskim planom i po dinamici utvrđenoj tromjesečnim i mjesečnim planovima koje odobrava Gradonačelnik, na osnovu plana novčanih tokova, putem kojih se projiciraju sve uplate i isplate na jedinstveni račun Budžeta.

Član 4.

(Operativni planovi)

- (1) Gradonačelnik, na osnovu godišnjih i kvartalnih planova novčanih tokova, iskazanih po mjesecima, dostavlja budžetskim korisnicima instrukciju za izradu prijedloga operativnih planova rashoda i izdataka.
- (2) Budžetski korisnik je dužan dostavljati prijedloge godišnjih, kvartalnih i mjesečnih operativnih planova u skladu sa instrukcijom Gradonačelnika, a ukoliko u propisanom roku ne dostavi plan, plan za budžetskog korisnika utvrđuje Gradonačelnik.
- (3) Gradonačelnik izvještava budžetskog korisnika o odobrenom operativnom budžetu.
- (4) Budžetski korisnik može stvarati obaveze do visine sredstava odobrenih operativnim budžetom.
- (5) Rashodi i izdaci svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period, koje je utvrdio Gradonačelnik, osim uz saglasnost Gradonačelnika.

Član 5.

(Naredbodavci i plaćanje)

- (1) Gradonačelnik je naredbodavac za korištenje sredstava na razdjelu "Gradska uprava".
- (2) Sekretar Gradskog vijeća je naredbodavac za korištenje sredstava na razdjelu "Gradsko vijeće".
- (3) Gradski pravobranilac je naredbodavac za korištenje sredstava na razdjelu "Pravobranilaštvo Grada Sarajeva".
- (4) Gradska uprava vrši plaćanje obaveza svih budžetskih korisnika.
- (5) Svaki rashod i izdatak iz Budžeta mora se zasnivati na vjerodostojnoj knjigovodstvenoj ispravi kojom se dokazuje obaveza plaćanja, a prije njezina potpisivanja, odgovorno lice budžetskog korisnika je dužno provjeriti pravni osnov i visinu obaveze koja iz nje proizlazi.
- (6) Gradonačelnik ima pravo rješenjem obustaviti izvršenje odluke koja je u suprotnosti sa Zakonom.

Član 6.

(Korištenje transfera Budžeta)

- (1) Budžetom se osiguravaju sredstva korisnicima transfera koji su u posebnom dijelu Budžeta određeni kao krajnji korisnici na pojedinim pozicijama.
- (2) U zavisnosti od projekta, korisnik transfera, na zahtjev nadležnog organa, prije potpisivanja ugovora, dostavlja potrebnu dokumentaciju kojom se osigurava namjensko, zakonito i efikasno korištenje transferiranih sredstava.
- (3) S korisnikom transfera, nadležni organ sklapa ugovor kojim preuzima obavezu transfera sredstava najviše do visine sredstava planirane Budžetom, a korisnik transfera se obavezuje sredstva koristiti samo za namjenu planiranu Budžetom.
- (4) Korisnik doznačenog transfera dužan je dostaviti nadležnom organu izvještaj o namjenskom utrošku sredstava u roku od 30 dana od utroška transferiranih sredstava iz Budžeta.
- (5) U slučaju da korisnik transfera ne dostavi izvještaj o namjenskom utrošku sredstava, neće imati pravo aplicirati za dodjelu sredstava u narednoj fiskalnoj godini.

Član 7.

(Dinamika izvršavanja)

- (1) Budžet će se izvršavati prema sljedećoj dinamici:
 - a) Plaćanje obaveza po kreditima,

- b) Plaćanje po osnovu sudskih rješenja,
- c) Plaće, doprinosi i naknade zaposlenima,
- d) Izdaci za materijal i usluge,
- e) Tekući grantovi - projekti socijalne zaštite,
- f) Kapitalni grantovi,
- g) Izdaci za nabavku stalnih sredstava,
- h) Tekući izdaci, ostali.

Član 8.
(Preraspodjela sredstava)

- (1) Preraspodjela sredstava ne može biti veća od 10% ukupno odobrenih rashoda i izdataka jednog korisnika sredstava.
- (2) U okviru odobrenog Budžeta, preraspodjela sredstava iznimno je dozvoljena između korisnika, o čemu, a na zahtjev korisnika, odlučuje Gradsko vijeće na prijedlog Gradonačelnika.
- (3) Budžetska sredstva se ne mogu preraspodjeljivati između Računa prihoda i rashoda, Računa kapitalnih izdataka i primitaka i Računa finansiranja.

Član 9.
(Povrati)

- (1) Pogrešno ili više uplaćeni prihodi u Budžet tekuće godine, vraćaju se uplatiocima na teret tih prihoda tekuće godine, a na osnovu rješenja Kantonalnog ministarstva finansija ili općinskih načelnika po podnesenom zahtjevu uplatioca.
- (2) Ukoliko se naknadno utvrdi da je isplata iz budžeta izvršena nezakonito i/ili nenamjenski, budžetski korisnik je dužan odmah zahtijevati povrat budžetskih sredstava.
- (3) Povrati iz prethodnih godina realizuju se na osnovu Rješenja o povratu po odobrenju Gradonačelnika iz rashoda sa pozicije 614800.

Član 10.
(Donacije, grantovi i razgraničeni prihodi)

- (1) Namjenske donacije i grantovi koji nisu planirani u Budžetu, a ostvare se u toku godine, unosit će se i raspoređivati kroz mjesečna izvršenja Budžeta Grada Sarajeva i postat će sastavni dio Budžeta, a na osnovu odluke Gradonačelnika.

Član 11.
(Imovina)

- (1) Dokumentacija o stečenim nekretninama se dostavlja Pravobranilaštvu u roku od 30 dana od dana sticanja.
- (2) Pravobranilaštvo će sastaviti zemljoknjižni prijedlog i isti podnijeti nadležnom sudu radi upisa u zemljišne knjige.
- (3) Korisnik je dužan u roku od 30 dana od dana dobivanja dokaza o upisu u zemljišne knjige Službi finansija dostaviti isti, radi evidentiranja u Glavnoj knjizi.
- (4) Svaka promjena imovine (pokretne i nepokretne) mora biti evidentirana u Glavnoj knjizi, na osnovu dokumentacije koju dostave Službe koje neposredno učestvuju u nabavci ili otuđenju iste.

Član 12.
(Javne nabavke)

- (1) Postupak nabavke roba i usluga i ustupanju radova ugovorni organ je dužan obavljati u skladu sa Zakonom o javnim nabavkama Bosne i Hercegovine ("Službeni glasnik BiH", broj 39/14).

Član 13.
(Realizacija sredstava namijenjenih za rad vijećnika i radnih tijela Gradskog vijeća)

- (1) Sredstva utvrđena u Budžetu Grada Sarajeva na ekonomskom kodu 613900 - naknade radnim tijelima Gradskog vijeća, naknade vijećnicima Gradskog vijeća isplaćuju se na osnovu Odluke o platama i naknadama u organima Grada Sarajeva ("Službene novine Kantona Sarajevo", broj 9/16).
- (2) Sredstva utvrđena u Budžetu na ekonomskom kodu 614 300 - grant parlamentarnim grupama, rasporedit će se na osnovu Odluke o raspodjeli sredstava budžeta Grada Sarajeva

planiranih za rad klubova Gradskih vijećnika ("Službene novine Kantona Sarajevo", broj 32/13), i izvršavat će se na osnovu dinamike priliva sredstava u Budžet.

Član 14.
(Realizacija sredstava tekućeg granta na ekonomskom kodu 614100)

- (1) Sredstva utvrđena u Budžetu Grada Sarajeva na ekonomskom kodu 614100 - tekući grantovi, kada je naznačen krajnji korisnik, realizuju se po osnovu potpisanih ugovora o realizaciji odobrenih sredstava, sa korisnikom sredstava.
- (2) Za pozicije u Budžetu Grada Sarajeva na ekonomskom kodu iz stava 1. ovog člana, kada nije naznačen krajnji korisnik, sredstva će se realizovati po osnovu javnog poziva u skladu sa uslovima utvrđenim u javnom pozivu i to donošenjem odluke gradonačelnika Grada Sarajeva o odobravanju novčanih sredstava.
- (3) Sredstva namijenjena iz ovog granta za projekte realizirat će se Odlukom - Ugovorom gradonačelnika, a na prijedlog gradskih službi.
- (4) Realizacija sredstava, na ekonomskom kodu iz stava 1. ovog člana, vršit će se i u skladu sa odlukama i pravilnicima kojima se bliže ureduju pojedine oblasti, ukoliko oni postoje.

Član 15.
(Realizacija sredstava tekućeg granta za realizaciju projekata iz oblasti sporta)

- (1) Sredstva utvrđena u Budžetu Grada Sarajeva na ekonomskom kodu 614100 - tekući grantovi, za projekte iz oblasti sporta realizovat će se u skladu sa Odlukom o načinu provođenja javnog interesa Grada Sarajeva u oblasti sporta, odnosno, u skladu sa Pravilnikom o kriterijima za finansiranje javnog interesa Grada Sarajeva u oblasti sporta, putem javnog poziva, i to donošenjem odluke gradonačelnika Grada Sarajeva o odobravanju novčanih sredstava.

Član 16.
(Realizacija sredstava tekućeg granta pojedincima)

- (1) Gradonačelnik odobrava mjesečni utrošak sredstava za sredstva utvrđena u Budžetu na ekonomskom kodu 614200 - tekući grant pojedincima u skladu sa odobrenim operativnim planovima.

Član 17.
(Realizacija sredstava tekućeg granta na ekonomskom kodu 614300)

- (1) Sredstva utvrđena u Budžetu Grada Sarajeva na ekonomskom kodu 614300 - tekući grantovi, kada je naznačen krajnji korisnik, realizovat će se po osnovu potpisanih ugovora o realizaciji odobrenih sredstava, sa korisnikom sredstava.
- (2) Za pozicije u Budžetu Grada Sarajeva na ekonomskom kodu iz stava 1. ovog člana, kada nije naznačen krajnji korisnik, sredstva će se realizovati po osnovu javnog poziva u skladu sa uslovima utvrđenim u javnom pozivu i to donošenjem odluke Gradonačelnika Grada Sarajeva o odobravanju novčanih sredstava.
- (3) Realizacija sredstava, na ekonomskom kodu iz stava 1. ovog člana, vršit će se i u skladu sa Pravilnicima kojima se bliže ureduju pojedine oblasti, ukoliko oni postoje.

Član 18.
(Realizacija sredstava tekućeg granta za realizaciju pokroviteljstva Grada Sarajeva)

- (1) Sredstva utvrđena u Budžetu Grada Sarajeva na ekonomskom kodu 614300 - tekući grantovi, Primjena Odluke o pokroviteljstvu, realizovat će se u skladu sa Odlukom o uslovima i postupku prihvatanja pokroviteljstva Grada Sarajeva, odnosno u skladu sa Pravilnikom o kriterijima za prihvatanje pokroviteljstva Grada Sarajeva.

Član 19.

(Realizacija sredstava tekućeg granta javnim preduzećima i ustanovama putem javnog poziva i posebnog pravilnika)

- (1) Sredstva utvrđena u Budžetu Grada Sarajeva na ekonomskom kodu 614400 - tekući grantovi javnim preduzećima i ustanovama kada je naznačen krajnji korisnik, realizuju se po osnovu potpisanih ugovora o realizaciji odobrenih sredstava, sa korisnikom sredstava.
- (2) Za pozicije u Budžetu Grada Sarajeva na ekonomskom kodu iz stava 1. ovog člana, kada nije naznačen krajnji korisnik, sredstva će se realizovati po osnovu javnog poziva u skladu sa uslovima utvrđenim u javnom pozivu i to donošenjem odluke gradonačelnika Grada Sarajeva o odobravanju novčanih sredstava.
- (3) Realizacija sredstava na ekonomskom kodu iz stava 1. ovog člana vršit će se i u skladu sa Pravilnicima kojima se bliže uređuju pojedine oblasti, ukoliko oni postoje.

Član 20.

(Realizacija sredstava tekućeg granta javnim preduzećima i ustanovama primjenom konkretnih gradskih propisa)

- (1) Sredstva utvrđena u Budžetu Grada Sarajeva na ekonomskom kodu 614400 - tekući grantovi javnim preduzećima i ustanovama, Primjena Odluke o samoupravnom djelokrugu Grada Sarajeva u oblasti srednjeg obrazovanja realizovat će se u skladu sa uslovima utvrđenim u Odluci o samoupravnom djelokrugu Grada Sarajeva u oblasti srednjeg obrazovanja.

Član 21.

(Realizacija sredstava namijenjenih za kapitalne grantove)

- (1) Sredstva utvrđena u Budžetu na ekonomskom kodu 615100 - kapitalni grantovi drugim nivoima realizovat će se u skladu sa Zakonom o javnim nabavkama Bosne i Hercegovine ("Službeni glasnik BiH", broj 39/14).

Član 22.

(Realizacija sredstava namijenjenih za nabavku stalnih sredstava)

- (1) Sredstva utvrđena u Budžetu sa ekonomskog koda 821000 - izdaci za nabavku stalnih sredstava, realizuju se uz primjenu Zakona o javnim nabavkama Bosne i Hercegovine ("Službeni glasnik BiH", broj 39/14).

Član 23.

(Realizacija sredstava tekuće rezerve i nepredviđenih izdataka)

- (1) Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve i nepredviđenih izdataka.
- (2) Raspodjela ovih sredstava realizirat će se u skladu sa Pravilnikom o kriterijima za korištenje sredstava iz tekuće rezerve i nepredviđenih izdataka.
- (3) Raspodjela sredstava za nepredviđene izdatke u segmentu sredstava namijenjenih za rad Gradskog vijeća vrši se u skladu sa Pravilnikom o kriterijima i postupku za korištenje finansijskih sredstava sa pozicije Nepredviđeni izdaci iz Budžeta Grada Sarajeva u segmentu sredstava namijenjenih za rad Gradskog vijeća
- (4) O korištenju sredstava tekuće rezerve odlučuje gradonačelnik. Gradonačelnik podnosi izvještaj Gradskom vijeću o utrošku sredstava tekuće rezerve tromjesečno, ako je došlo do realizacije.

Član 24.

(Praćenje izvršenja Budžeta)

- (1) Gradska služba finansija izrađuje mjesečne izvještaje o utrošku sredstava Budžeta Grada Sarajeva i dostavlja ih gradonačelniku i predsjedavajućem Gradskog vijeća, koji iste upućuje Odboru za Budžet i finansije i to najkasnije dvadeset dana po isteku obračunskog perioda za koji se izvještaj izrađuje.

- (2) Gradska služba finansija: a) dostavlja periodične izvještaje Gradskom vijeću i Kantonalnom ministru finansija u roku od 20 dana po isteku obračunskog perioda, a za period od 1. januara do 31. decembra, do 28. februara tekuće godine, b) izrađuje tromjesečne, šestomjesečne, devetomjesečne i godišnje izvještaje o utrošku sredstava Budžeta i dostavlja ih gradonačelniku, informiše Gradsko vijeće o izvršenju Budžeta u skladu s Programom rada Gradskog vijeća.
- (3) Godišnji izvještaj o izvršenju Budžeta gradonačelnik podnosi Gradskom vijeću Grada Sarajeva na usvajanje.

Član 25.

(Fiskalna odgovornost)

- (1) Rukovodilac budžetskog korisnika je odgovoran za zakonito i namjensko korištenje sredstava i efikasno i uspješno funkcionisanje sistema finansijskog upravljanja i kontrolu u okviru budžetom utvrđenih sredstava.
- (2) Rukovodilac svake godine, za prethodnu budžetsku godinu, za period u kojem je obavljao poslove rukovodioca je obavezan popuniti izjavu o fiskalnoj odgovornosti.

IV. REVIZIJA

Član 26.

(Revizija Budžeta)

- (1) Reviziju Budžeta vrši Ured za reviziju budžeta u Federaciji BiH u skladu sa Zakonom.
- (2) Internu reviziju Budžeta vrši interni revizor (Služba interne revizije) u skladu sa Zakonom o internoj reviziji.

V. OBJAVLJIVANJE

Član 27.

(Objavljivanje)

Budžet, Odluka o izvršavanju Budžeta, Odluka o privremenom finansiranju, kao i svaka izmjena i dopuna budžeta, te godišnji izvještaj o izvršenju budžeta i svako korištenje tekuće rezerve, objavit će se u "Službenim novinama Kantona Sarajevo" i na web stranici Grada Sarajeva.

VI. KAZNE NE ODREDBE

Član 28.

(Kaznene odredbe)

Odgovorno lice budžetskog korisnika, nosilac izvršne vlasti, kao i drugo lice odgovorno za Budžet Grada Sarajeva, kaznit će se za kršenje ove Odluke saglasno odredbama člana 102. i člana 103. Zakona o budžetima Federacije Bosne i Hercegovine ("Službene novine Federacije BiH", br. 102/13, 9/14, 13/14, 08/15 i 91/15).

VII. PRELAZNE I ZAVRŠNE ODREDBE

Član 29.

(Direktna primjena Zakona)

- (1) Odredbe koje nisu regulisane ovom odlukom direktno se primjenjuju iz Zakona o budžetima Federacije BiH i Zakona o trezoru FBiH.
- (2) U slučaju da su odredbe drugih zakona, propisa, akata i odluka u suprotnosti sa Zakonom o budžetima Federacije Bosne i Hercegovine, direktno će se primjenjivati Zakon o budžetima Federacije Bosne i Hercegovine.

Član 30.

(Stupanje na snagu)

- (1) Ova odluka stupa na snagu dan po objavljivanju u "Službenim novinama Kantona Sarajevo", a važi za 2017. godinu.

Broj 01-02-2083/16
28. decembra 2016. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 26. stav (1) tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 7. Odluke o spomenicima od značaja za Grad Sarajevo ("Službene novine Kantona Sarajevo", br. 12/11 i 21/16), Gradsko vijeće Grada Sarajeva, na sjednici održanoj 28.12.2016. godine, donijelo je